

filio, ad tutandam Westfaliam adversus Ducis conatum. At postquam Bernardus de Lippia, ceterique Ducis præfecti didicere Archiepiscopum, Westfaliæ securum, cum parte exercitus recessisse; movère in Simonem Teclenburgicum, ceterosq; ab eo ad tutelam Westfaliæ relictos. Nec segnius illi copias contrahunt; concursumque ab utroque exercitu ad Haresfeldiam haud procul Osnabrugo. Pugnatum acerrimè: victi ad extremum Westfali: captus Teclenburgicus, & catenis vinctus, ad Leonem protractus. Is quia post in fidem Ducis se dedit, desertis turpiter sociorum armis, mox vinculis absolutus est; contra Schawenburgicus, quod capti à se milites reposcerentur, à Duce defecit, eòque tota Transalbiana regione ejectus est. Lippiensis hac victoria insolens, omnia circa Susatum vastat, ac festo Apostolorum Simonis ac Judæ Medebecam Oppidum in cinetes vertit, plura illaturus damna, nisi à Leone cum Widekindo Rhedano in Orientalem Saxoniam evocatus fuisset.

Jam cui ea par malorum facies ex conspiratione Principum adversus Leonem? quam magnopere deplorat Lubecensis Abbas, ab Episcopis cœptam inflammataque. Dux horum Wigmannus Magdenburgensis Archiepiscopus, cujus auctoritati subnixi Principes ceteri. Er quia Udalricus Halberstadiensis, licet paulò ante reconciliatus duci, arma resumpserat, aususque rursus erat Halberstadio & Horneburgo infesto milite excurrere, provincias Ducis villasque exurere, captivos abducere; Ducis præfecti copijs Halberstadium intercipiunt, & clausa urbe cives & Episcopum cum præsidario milite in potestatem accipiunt. Cives ex ira Ducis veriti incendium, in omnibus ædibus extinxere ignem; quem dum miles quidam occultatum reperit, casæ injicit; quo tamen longius serpente, tota urbs deflagavit. Fatali hoc incendio Basilica D. Stephani, ac templa omnia cum Cœnobijs in vivum bustum confedere. Flammis simul absumpti tres Canonici Cathedralis Collegij Sacerdotes, ac studiosi literarum complures, cives ac foeminae plus quam mille. Episcopus ægre flammis ereptus, cum multis civibus captivus abducitur, redditusque libertati haud multò post senex extinguitur. Per hæc tamen arcta obsidione premebat Haldeslebiam, Ducis Oppidum, medias inter paludes natura loci triplicique vallo ac muro præmunitum. Admotæ omnis generis machinæ artesque militum, qui adstrictis ad calceos ferreis uncis, facta per glaciem impressione sæpius impugnare; omnia tamen in cassum erant, castrum acerrimè propugnante Bernardo Comite nostro Lippiensi.

Halberstadium captum & exustum.

Haldeslebia obsidetur.

Annus Christi 1180.

Alexandri III. Pont. 21.

Ppppp 2

Friderici